

2 Zân

Zânaŋ zapat meluwaŋ ŋen ewe kume zut bein

Zapat meluwaŋ kapi Zânaŋagak kuye. Egaŋ dapmelaŋge ombemindendaŋaŋ ekaŋgat kumindaye. “Dapmelaŋge kwitnaŋ imbi ombempepeŋaŋ ma egat nembraŋane ekaŋgat kuyap,” kekok kuye.

Nukŋaŋ sekam kwep kegogapm amgat zemg-watnaŋ mimindeme an zikat indanda dâsuki ekaŋgat eksemti tatagalen nâmtiyepm zapat meluwaŋ kapi kumindaye. Zisasiyaŋ an mama ku maŋge zemti zemtalat omba penaŋ mbien kegogapmti zapat meluwaŋ kapi kuye. Zapat meluwaŋ kapi tungupmaŋpiŋ; yewaŋaŋ etaŋ yaŋgut zet notnaŋ Zân kapiyet tazinen Zân ma buŋam zapat zulak zulak keyet keŋan sepem kwepnok kukuŋaŋgat zet eweŋaŋ desegat talip ke kapiyet egit:

2 Zân 5	Zân 2:7	Zân 13:34-35
2 Zân 6	Zân 5:3	Zân 14:23
2 Zân 7	Zân 4:2-3	
2 Zân 12	Zân 1:4	Zân 15:11; 16:24

Zet ŋotekŋaŋ temaŋ kapigogaŋ Zân zapat meluwaŋ keŋan talip:

1-3 Mukuku zet.

4 Zemoli oli zet

5-9 Zemesewat zet

10-11 An zemzikat indanda dâsuki ekñen indaze-
mandandapin eksemindewep

12-13 Zet zemdelañ zenze zet

¹ Neñ ingalen an ñeñañin ya dapmelañge ingat tikñañ manâmindeyapgapm zapat meluwañ kapi kumindayap. Yangut neñ etañ yek. An imbi sambe zet penañ ñotekñañ manâmaip ekñenañ ingat kegogak nâme tikñañ mambein.

² Zet ñotekñañ ke ninmagen tazin ya tati tapmebe keyepmti nin ingat tikñañ penañ manâmindenup.

³ Âpme Kawawañ Bipm ma egat Nemuñañ Zisas Kilais egegat keñ taolelit ma angalañ gogot ma keñ sewakñañit inmagen wemti wembe. Mti nin zet penañ mkatik bemti gogot palenak mamambanup.

Nâmkinpepemak gogot palen mamayelen zet

⁴ Inmagengatnañ notnañ ekñenañ Bipm Kawawañgalen zet ndaye ke gawepumti zet penañ ñotekñañ ke ñep mâti mamaip. Zet zapat dolakñañ kegok zeme nâma keñ oloñen penañ bein.

⁵ Keyepm neñ zet alakñañ ñen ku diindoma nâsâbip. Zet kapi alakñañ penañ yek. Zisasiyañ sokbembenanen baen zet ikñañ diindoye. Ke alak neñ pi zet ikñañ keyegak tazeap: nin gogot dopdop mamambanup.

⁶ Nin Kawawañ gogot etañ ku msasayelen. Egalen zetnañ mañgawepunup keyañ gogot msanup bein. Zet kapi Zisasiyañ eweñañ baenen msalen ekmak mamti nâmkwabien keyet zet

zapatnaŋ ke nâmti tikâk mpemti mamayet nâmti mandiindoin.

⁷ Nâit, am dâsuki an sambe penaŋ mepmâbien mamaip ekŋenaŋ Zisas Kilais ek msalen am nemboŋ ku sokbeye zet ke manzementalalip. Am ekŋen keboŋ ke an dâsukitoŋ ma Kilaisiyet kasaŋene zewanup.

⁸ Neŋ Kawawaŋgalen zet zikat indama nâmti mkatik bempemti keŋ kwep mambep. Mneti peme towembeyet weyaŋti ekdamuŋ mmambep keyepmti bangat Kawawaŋgaŋ tosaŋin in mamip keyet kataŋ indawe.

⁹ Am notnaŋ Kawawaŋgalen zet mamkipmaŋ beip ekŋenaŋ Kawawaŋmak Nemunaŋ egetmak tususu kwep mti maip. Âpme am notnaŋ ekŋen Kilaisiyelen zet zemzikat indama nâmti mâpmeneti naman belaknik ke Kawawaŋgalen zetnaŋ ke ku mamkipmaŋbeip ekŋen ke Kawawaŋmak tususuŋin ku tazin.

¹⁰ An ŋen ek Kawawaŋgalen zet ku manzemzikatindain ya naman egaŋ zet ikŋaŋgat ŋoktikŋaŋgat etaŋ manzein an keyaŋ inmagen kopme in mkaŋin samti notn notn ku mpewep.

¹¹ In an dâsuki keboŋ ke notn notn mpewep beme in myuŋguŋguŋaŋ ke mukulem mpewep.

¹² Zet sambe penaŋ tatnainanŋut papiaen meluwaŋ mimiyet nâma ŋep penaŋ ku bein keyepmti naman neŋ nen negak inmagen kot indikti inmak zet zenâ zenâ mimiyet keŋnan nâma ŋep penaŋ bein.

¹³ Amdine sambe piyaŋ ingat indamukuip.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

ea68a902-358a-5c72-82de-a583fc4809e7